



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

15. Ottonis M. Imperatoris Diploma Dat. Raue[n]næ, Anno DCCCCLXX.

urn:nbn:de:hbz:466:1-14268

*Ottonis Magni Imperatoris Diploma Datum Rauennæ,
Anno DCCCCLXX.*

IN nomine sanctæ & indiuiduæ Trinitatis. Otto diuina fauente clementia Imperator Augustus. Notum esse volumus tam præsentibus, quam & futuris, qualiter Venerabilis Abbas Theitfridus de Cœnobio S. Maximini, quod est in suburbio Treuericæ Ciuitatis constructum in honore S. Ioannis Euangeliste, nostram Imperialem Rauennæ adiit clementiam, conquerens ob Aduocatorum incuriam se suamque familiam per multa pati incommoda. Ideo, quoniam idē locus sub Mundiburdio & Aduocatiâ Antecessorum nostrorum, Imperatorum videlicet, siue Regum semper constitutus erat per interuentum dilectæ Coniugis nostræ Imperatricis Adheleidis, Filij quoque nostri Serenissimi Augusti æquiuoci Ottonis, nec non Cononis Wormatiensis Episcopi, & Protolfi Comitit, decreuimus nostræ auctoritatis præcepto, vt idem Abbas, eiusque Successores Aduocatas habeant, quibus velint dandi, quibusque velint tollendi potestatem. Concedimus quoque ipsius prædicti Confessoris Christi familiæ, in prædicta Treuirorum vrbe, alijsque Imperij nostri Ciuitatibus, vel præfecturis habitandi, vt ea conditione, quam & nostra Imperialis familia, habeant licentiam (quam & semper habebat) intrandi & exeundi, vendendi & emendi, pascendi, & adaquandi prædia Regalibus familiis mutuo dandi, & ab ipsis accipiendi mutuo, & nec Episcoporum aut Ducum, Comitumve aut alicuius iudiciariæ potestatis placitum attendant, nisi solius Abbatis & Aduocatorum, quos ipse elegerit & constituerit. Addimus etiam, secundum priuilegia antecessorum nostrorum, vt vbicunque naues Monachorum Deo in prædicto loco sub regula S. Benedicti militantium vel homines eorum peruenerint, nullus ab eis Teloneum exigere audeat, Et quoniam sanctorum familiæ Regijs Ciuitatibus, vel Palatijs adiunctæ, Regalibus, aliorumque potentium interdum opprimuntur operibus, eadem opera superscripti Confessoris Christi familiæ pro animæ nostræ remedio perpetualiter perdonauimus. Et vt hoc nostræ auctoritatis præceptum inconuulsum & stabile permaneat, chartam hanc conscribi & annuli nostri impressione signari iussimus.

Signum Domini inuictissimi Imperatoris Au-

gusti Ottonis. Lur-
gerus Cæcellarius ad
vicem Rotberti Ar-
chicapellani notauit.
Data III. Cal. April.
anno Dominicæ In-
carnationis DCCC
CLXX. Indictione
decima tertia, Anno
Regni Domini Ot-
tonis XXXV. Impe-
rij autem IX. Filijq;
eius Regni X. Impe-
rij autem IV. Actum
Rauennæ in Domi-
no feliciter. Amen.

